

Buna sira! Buna sira, me cari siuri! E ben c'me cla va?

Anche ist'ani a suma chî per tirè sù u 57° pion di sta Divota Cumedia, a suma rivà acsi ant'larìa perchè i noster predecesur, i noster meister, j'Arnoldi, i Buca, i Cavalli, j'on facc del fundamenti d'na vota, culi cun u ciment-armà bon; noi cuca vota a fuma na finestra an po' storta, na tramesa tipo ondaflex, ma cun el basament da suta ca juma, la cà di sta Divota Cumedia, u sn'antaia monc; s'anduma avonti acsei, la va a finì ca fuma in grattacielo!

La me cara gént, a son stònc c'me in asu, a j'ò i pé che cun el me siguli, i smeju ammac pû du cutlèti; tut el marci "della Pace" cu j'era a j'ò faci tuti, at che la 100 Kilometri! I na fon tropi! Forse u sarrà che anche an t'el marci u j'è la svalütasion; na vota, cun na marcia su Roma sula, i m'on bità a post per vent'ani.

Noi Italion a suma d'la gent particular, a suma stacc pià an contropiede da la sucieta del benessere: i pû i giru el mond, ma i son nent bon a stè al mond, a suma poc o gnente ma a parluma tont. A juma ausì u divorsiu, però suta-suta a suma semper per l'adulterio, avnuma mat per la dieta dimagrante, ma po' a suma bon ad fes avni in infarto per na parteia ad balon.

La gent as lamenta "sa nas in'atra vota a voi esi na dona, a so mei se fè", "sa nas in'atra vota a voi esi in omi", "sa nas in atra vota am but a fè la belecalda e la pizza, at che studiè, us guadagna molto ad pû". Ammac Fanfani, Craxi, Berlinguer, i pensu mai "sa nasijsa n'atra vota", ormai i son dventà immortali; e po' pû sudisfac dj'onorevoli, chi cu j'è? Si nasijsu n'atra vota, i rifarreisu turna tüt medesim.

Quendes di fa a sòn andacc dal caplè, per fem lavè ist vegg Bursalèn, auriva presentem an po' an urdin acsi chi ansüma. U ma dic cl'è bela sul, l'ha pû meja ad garson, u sarà nent pront prüma d'in para ad meis; cuc ani fà l'ava in anvud cui dava na mon, l'ausì andè a l'università, el fa Sociologia. U travaj l'è presapoc medesim: u siù el crob el testi, l'anvud u j'ampinis. Quondi cui dava na mon cuc sold u sià bitava an berta, ades l'è disocupà.

Us trova pü ansën per fè in travaj, acsei u j'è avni ad moda el "Bricolage" el "fai da solo"; a juma turna tirà fora u traforo, el meccano, u j'è propi di liber ch'it mustru a cambiè in veder, rangè un rubinèt, samnè i

vers: "Chi fa da sè, fa per tre". Absogna nent esagerè però; Mussolini cun ist pruverbi an t'la testa, la facc avni fora l'autarchia. Fin el Padre Eterno l'ha facc del bricolage, del "fai da solo"; na bela giornà u s'è butà e... u j'è avni fora el mond!

Fai da te! Quondi ch'j'era in fanciot a j'ava in nonu specialisà a fè j'anlot, du o tre voti a l'ani, cun u sò scusà davonti, us divertiva a fè chiseina, mei an gir al diva nent, a j'ava vergogna, a j'ava poura che cuccèn u diisa: "Is a l'è l'invud ad cul'omi cui barbìs, cl'è bon a spignatè". Ades anveci u smeia che per esi in omi a la moda, in omi-omi, absogna esi bon a ciapülè sigulì e arburent.

Tognazzi a la television l'ha lancia à la moda. Toncc piat i sei nent bon a feji, l'è tûta na variasion an si tajarén, spaghetti aglio-olio, al tonno, spaghetti al the e rum, al pouvron spagnò; po' cun la scûsa che el prüm lè stacc pesont, usa pasa au sgond cun tre foji d'insalata e in semifreddo crumpà da Cercenà; cuc dritu, ma i son pochi, l'è rivà fina ai tajarén agl'8 formaggi!

L'è dventà ad moda, l'uomo "casalingo", l'unich dirigent d'azienda senza maestronsi.

Ades u j'è scupià el bum dl'enciclopedia, an tüt'agl'ediculi u iè el dispensi per l'enciclopedia del mare, di'ausè, d'la chimica, del bricolage; per rivè a la "zeta" ui và treì anì; crumpela tûta subit, e paghela pò poc per vota, u sarreisa trop facil. La sarà forse na mania c'as purtuma adre-ra da quondi ch'jeru fanciòt: appena j'avu du liri an sacocia, andavu a crumpè na bustèina ad carteini dau giornalè. Se per cas to muiè, c'la fà el parole incrociate ut ciama "Uarda an po' ansl'enciclopedia che t'hai crumpà ieri, chi cl'ha vensì la battaglia di Waterloo?" Tei at respondi "ma quonti voti at dev dî ca suma ammac a la lettera G".

U smeia fina che, cun la crisi cu j'è, is bitu a vendi anche j'automobil a dispensi. Jën el va da Grignolio el fà "El sa rivaja la dispensa cun u tûbu ad scapament dla Panda?". "A son stacc veia, a j'ò perdì u differensial d'Alfèta. Se ch'el custa l'arretrato?".

In'atra moda l'è cula d'la bumbulèta spray; ai me temp, la brillantina l'era andrenta di vasèt rutond, u dentifricio an ti tübèt, jën per fes la barba u drubava u savon ad Marghera, cui fen j'avu u stik; l'ünica roba ca sprüsavu l'era el Flit. Ades anveci i biitu tüt andrenta el bumbulèti, e ij fon anche tütì uguali. A la mateina an po' perchè u s'è ancora andrumentà, an po' cu sa sciara pü c'me na vota, ui ven fora del robì dl'ater mond: me mujé us dà el fissatore cun u sprai d'la crema da barba, mei am son facc la barba cun u deodorante, la mensula suta u spegg, cun tuti is bumbulèti spray, la smeia u tavolo-comando d'in jumbo-jet.

El Minister Reviglio l'è scatenà, la bità la ricevuta fiscale ansüma tüt, au ristoront, dal prüchè, fin dal fiurista. Tei t'ondi in màs ad rosi a na persoina, oltre ai auguri, suta at scrivi: per piasì, mondmi andrerà la ricevuta fiscale, ca posa gavela dal carteli degl'imposti.

S'anduma avonti acsei i la bitarron anche an si neonati; jën u sort da l'uspidal cun la so masnà an bràs, la Finonsa ul ferma e ui fà "Dove l'ha comprato?, ha pagato l'IVA, la ricevuta fiscale dov'è?".

Na vota a la television, dop u telegiornale, c'l'è semper long cme la Quareisma, t'at duvivi surbiti carosello, di quintal ad detersivi "più bianchi del bianco", di dentifrici ch'it favu sorti el margheriti d'ammes ai dence, di dadì ch'it favu dei doppio-brodo da fè risüscitè in mort; se t'eri stuf, duvivi auseti, gnachè el butòn du sgònd canal, e... anche lè, la medesima cansòn. Ades anveci, cun el comando-elettronico, da bele setà, at dai monc u temp al prüm spot ad bugesi, Zac! T'gnachi et pasi ansüma d'jèina del 32 antenne private, t'vighi in toc ad giallo, in toc ad western, e lè però it fregu, i fon la pubblicità a l'americoina; t'vighi in omi che cun in curtè an mon, u stà per planteila an t'la scheina a in ater, strensi i denc da la poura, e senza meja d'preavis, na vus la dis "Usate lame Inox, le lame più forti del mondo". Se t'ai nent i rifles ad Mennea it fregu.

Voi i dirrei "Ma d'andò c'l'è surti st'ater chi? U la chënta, u la chënta, l'è pü bon a finì!

La me cara gent, se! mei, a ven fora dal presepi, donca, pû che in presepi a son nent!

A stralas sübit e a tacuma cun la Divota Cumedìa... av presént la me famija...